



REPUBLIKA E SHQIPËRISË
MINISTRIA E INFRASTRUKTURËS DHE ENERGJISË
DREJTORIA E PËRGJITHSHME E SHËRBIMEVE TË TRANSPORTIT RRUGOR

Nr _____ Prot.

Datë _____.____.2024

VENDIM

Nr. 02, Datë 21.05.2024

**PËR MIRATIMIN E PROCEDURËS PËR VLERËSIMIN E SUBJEKTEVE
PJESËMARRËSE NË KONKURS TË HAPUR PËR TË OPERUAR NË LINJË TË
RREGULLT NDËRQYTETËSE UDHËTARËSH**

Në zbatim të Udhëzimit nr. 5627, datë 18.11.2016 “Për përcaktimin e kriterëve, rregullave dhe dokumentacionit për lëshimin e licencave dhe certifikatave për ushtrimin e veprimtarisë në transportin rrugor të udhëtarëve brenda vendit”, i ndryshuar, Urdhërit nr. 116, datë 17.02.2021 “Për ngritjen e komisionit vlerësues për shqyrtimin e aplikimeve dhe marrjen e vendimeve, për përzgjedhjen me konkurs të hapur të subjektit kandidat për të operuar në linjë të rregullt ndërqytetëse udhëtarësh”, të ndryshuar, të Drejtorit të Përgjithshëm të DPSHTRR-së, Komisioni Vlerësues,

VENDOSI:

1. Komisioni Vlerësues, bën shpalljet me linjat e lira/linjën e lirë të transportit ndërqytetës për të cilat do të pranohen aplikime, së bashku me numrin e orareve dhe mjeteve që nevojiten për operimin e linjës.
2. Shpallja e konkurrimit në linjat e rregullta të transportit ndërqytetës të lira do të bëhet online në faqen zyrtare të DPSHTRR-së www.dpshttr.al dhe në platformën elektronike eTransport.
3. Procesi i shpalljes së fituesve do të kryhet sipas përcaktimeve të Urdhërit nr. 116, datë 17.02.2021 “Për ngritjen e komisionit vlerësues për shqyrtimin e aplikimeve dhe marrjen e vendimeve, për përzgjedhjen me konkurs të hapur të subjektit kandidat për të operuar në linjë të rregullt ndërqytetëse udhëtarësh”, të Drejtorit të Përgjithshëm të DPSHTRR-së, nëpërmjet sistemit të pikëve që do të grumbullohen, mbështetur në dokumentacionin e paraqitur dhe në vendimin e Komisionit Vlerësues.
4. Komisioni Vlerësues përcakton periudhën kohore që do të pranohen aplikimet sipas shpalljeve përkatëse, të cilat do të përcaktohen në Vendimet pasardhëse.



5. Aplikimi për konkurrimin në linjat e rregullta të transportit ndërqytetës kryhet në shërbimin “Licencimi në linjat e transportit ndërqytetës”.
6. Për kryerjen e aplikimit në platformën eAlbania, subjektet duhet të jenë pjesë e platformës elektronike eTransport. Për këtë qëllim subjektet që nuk janë pjesë e sistemit elektronik eTransport duhet të aplikojnë fillimisht në Platformën eAlbania në shërbimin “Kërkesë për akses në eTransport” dhe marrjen e kredencialeve për aksesin në sistem.
7. Aplikimet do të kryhen nëpërmjet përdorimit të platformës elektronike eAlbania. Trajtimi i aplikimet kryhet në Platformën eTransport. Komunikimi midis autoritetit licencues dhe subjekteve konkurruese do të kryhet online nëpërmjet sistemeve elektronike (duke përdorur llogarinë përkatëse të subjektit në platformën e-albania).
8. Aksesin në Platformën eTransport sigurohet nëpërmjet adresës në web <https://nderqytetas.etransport.al>.
9. Të gjitha aplikimet e kryera pas datës së përcaktuar në Vendimin e Komisionit Vlerësues nuk do të merren në shqyrtim.
10. Autoriteti i licencimit, pas shqyrtimit të dokumentacionit, do të marrë një vendim për aplikimin brenda 21 ditëve, nga data e përfundimit të pranimit të aplikimit. Në rast se aplikuesi ka mangësi në dokumentacion, i lihet një afat plus 7-ditor me qëllim plotësimit e dokumentacionit për subjektet që kanë aplikuar dhe për mjetet që kanë aplikuar.
11. Dokumentacioni i nevojshëm për licencim në linjat e rregullta të transportit ndërqytetës është si më poshtë:
 1. Subjektet aplikuese duhet të kenë statusin e personit juridik;
 2. Kërkesën për aplikim, vetëm sipas Lidhjes 6.
 3. Vetdeklarim i përfaqësuesit ligjor të subjektit, vetëm sipas Lidhjes 7/1.
 4. Vetdeklarim i drejtuesit të veprimtarisë, vetëm sipas Lidhjes 7/2.
 5. Dokument/garanci bankare, ose Dokument i lëshuar nga shoqëri sigurimi, që vërteton gjendje të qëndrueshme financiare, i cili duhet të jetë me vleftë 140 000 lekë për mjetin e parë dhe 70 000 lekë për çdo mjet tjetër shtesë.
 6. Certifikata e kompetencës profesionale për drejtuesin teknik të veprimtarisë, dhe kontratë për një periudhë të paktën 5 vjeçare, nëse është një person i punësuar në këtë subjekt. Në plotësimin e këtij kriteri duhet të mbahen parasysh parashikimet e VKM-së nr. 325, datë 19.03.2008 “Për miratimin e rregullave për pranimin në veprimtarinë e operatorit të transportit rrugor të mallrave dhe të udhëtarëve, si dhe për njohjen e dokumenteve zyrtare, të caktuara për këta operatorë”, i ndryshuar, përsa i përket numrit të shoqërive ku një drejtues teknik duhet të jetë i punësuar.
 7. Regjistrimi në Regjistrin Tregtar pranë Qendrës Kombëtare të Bisnesit, ku objekti i veprimtarisë transporti i udhëtarëve.



8. Licenca e Agjencisë, për shërbimin e udhëtarëve brenda vendit, ose Kontratë me një agjenci transporti.
9. Vërtetim nga administrata tatimore dhe nga bashkia përkatëse për shlyerjen e detyrimeve tatimore (dokumenti do të gjenerohet nëpërmjet ndërveprimit institucion me institucion nga sistemi i qarkullimit të dokumenteve me nënshkrim elektronik SQDNE);
10. Vërtetim i gjendjes gjyqësore (dëshmi penaliteti) për administratorin dhe drejtuesin teknik të shoqërisë; (dokumenti do të gjenerohet nëpërmjet ndërveprimit institucion me institucion nga sistemi i qarkullimit të dokumenteve me nënshkrim elektronik SQDNE);
11. Mjetet me të cilat aplikohet duhet të kenë shlyer taksën vjetore të mjeteve pranë DPSHTRR-së.
12. Dokument i lëshuar nga gjykata, i cili të vërtetojë se administratori dhe drejtuesi teknik i shoqërisë nuk janë në proces penal.

Për numrin e nevojshëm të mjeteve të kërkuar për shërbimin që do të operohet, për secilin mjet dhe drejtues mjeti, dokumentet si më poshtë:

- a. Leja e qarkullimit të mjetit, dhe kontratë përdorimi/ qiraje, në se mjeti nuk është në pronësi të subjektit. Në rast se mjeti është me qira duhet që marrëdhënia e qirasë të jetë e pasqyruar në leje qarkullimi;
 - b. Certifikata e kontrollit teknik të mjetit;
 - c. Akt-vlerësimi komoditeti në transportin brenda vendit;
 - d. Certifikata e kalibrimit të tahogرافit të mjetit;
 - e. Regjistrimin në QKB të mjetit;
 - f. Leja e drejtimit për drejtuesin e mjetit, me kategoritë përkatëse;
 - g. Certifikata Aftësisë Profesionale (CAP) e drejtuesit të mjetit dhe kontratë pune me drejtuesin e mjetit;
 - h. Policë sigurimi për Sigurimin e udhëtarëve nga aksidentet në transportin publik;
 - i. Policë sigurimi për Sigurimin e përgjegjësisë për dëmet shkaktuar palëve të treta të pronarit/përdoruesit të mjetit.
12. Subjekti aplikues për licencim në linjat e rregullta të transportit ndërqytetës të udhëtarëve duhet të ketë në pronësi të tij të paktën 30% të numrit të mjeteve të nevojshëm për operimin në shërbim. Mosplotësimi i këtij kriteri përbën shkak për skualifikim.
13. Mjetet me të cilët subjekti aplikon për licencim në linjat e transportit ndërqytetës nuk duhet të jenë të çertifikuar për operim në linjat e transportit. Subjekti aplikues vetëdeklaroi plotësimin e këtij kriteri sipas vetëdeklarimit që i bashkëlidhet këtij Vendimi.



14. Në rast mangësie të dokumentacionit shoqërues të mjetit apo subjektit, autoriteti licencues do të pranojë pranimin e dokumentacionit brenda 7 ditëve nga konstatimi i tyre. Nuk do pranohen plotësime për mangësi në numrin e mjeteve që nevojiten për operim si dhe nuk do të pranohen plotësime për përmbushjen e kriterit të përcaktuar në pikën 12 të këtij Udhëzimi përsa i përket numrit minimal të mjeteve që duhet të ketë në pronësi subjekti aplikues.
15. Për mangësi në dokumentacionin e kërkuar pas përfundimit të afatit për plotësimin e tyre, Komisioni Vlerësues nuk do të vazhdojë procedurën e vlerësimit me pikë të subjektit.
16. Komisioni Vlerësues miraton sistemin e pikëve për vlerësimin e kandidatëve pjesëmarrës në konkurs të hapur, për të operuar në linjë të rregullt ndërqytetëse udhëtarësh, sipas tabelës së mëposhtme:

NR.	EMËRTIMI	SASIA
1.	Për autobusë me vit prodhimi 2024	31
2.	Për autobusë me vit prodhimi 2023	30
3.	Për autobusë me vit prodhimi 2022	29
4.	Për autobusë me vit prodhimi 2021	28
5.	Për autobusë me vit prodhimi 2020	27
6.	Për autobusë me vit prodhimi 2019	26
7.	Për autobusë me vit prodhimi 2018	25
8.	Për autobusë me vit prodhimi 2017	24
9.	Për autobusë me vit prodhimi 2016	23
10.	Për autobusë me vit prodhimi 2015	22
11.	Për autobusë me vit prodhimi 2014	21
12.	Për autobusë me vit prodhimi 2013	20
13.	Për autobusë me vit prodhimi 2012	19
14.	Për autobusë me vit prodhimi 2011	18
15.	Për autobusë me vit prodhimi 2010	17
16.	Për autobusë me vit prodhimi 2009	16



17.	Për autobusë me vit prodhimi 2008	15
18.	Për autobusë me vit prodhimi 2007	13
19.	Për autobusë me vit prodhimi 2006	11
20.	Për autobusë me vit prodhimi 2005	9
21.	Për autobusë me vit prodhimi 2004	7
22.	Për autobusë me vit prodhimi 2003	5
23.	Për autobusë me vit prodhimi 2002	4
24.	Për autobusë me vit prodhimi 2001	3
25.	Për autobusë me vit prodhimi 2000	2
26.	Për autobusë me vit prodhimi < 2000	1
1.	Për autobusë në pronësi të aplikantit 30%	Kualifikim për pjesmarrje në procedurë
2.	Për autobusë në pronësi të aplikantit 31 % - 50%	4
3.	Për autobusë në pronësi të aplikantit 51 % - 75 %	6
4.	Për autobusë në pronësi të aplikantit 76% - 100 %	8
1.	Për eksperiencë të subjektit në transportin e udhëtarëve 0 deri në 3 vjet	1
2.	Për eksperiencë të subjektit në transportin e udhëtarëve 3 vite e 1 ditë – 5 vjet	4
3.	Për eksperiencë të subjektit në transportin e udhëtarëve 5 vite e 1 ditë - 10 vjet	6
4.	Për eksperiencë të subjektit në transportin e udhëtarëve 10 e 1 ditë - 15 vjet	8
5.	Për eksperiencë të subjektit në transportin e udhëtarëve 15 vite e 1 ditë - 20 vjet	10
6.	Për eksperiencë të subjektit në transportin e udhëtarëve me shumë se 20 vite e 1 ditë	12



37.	Çdo mjet hibrid merr 10 pikë plus	
38.	Çdo mjet elektrik merr 15 pikë plus	

*** Pikëzimi sipas vitit të prodhimit fillon nga viti 2024. Viti i prodhimit dhe lënda djegëse verifikohet në lejen e qarkullimit të mjetit.**

***Pikëzimi sipas eksperiencës së subjektit, në fushën e transportit të udhëtarëve verifikohet nga të dhënat në Qendrën Kombëtare të Biznesit dhe në dokumentacionin tjetër provues të paraqitur nga subjekti.**

17. Komisioni Vlerësues, pas plotësimit të kriterëve të detyrueshme të përcaktuara në legjislacionin përkatës, në bazë të sistemit të pikëve të mësipërme, do të bëjë vlerësimin e subjekteve pjesëmarrëse në konkurset për të operuar në linjat e rregullta të transportit ndërqytetës të udhëtarëve.

18. Në rastet kur ka 2 ose më shumë subjekte aplikuese për operimin e linjës, fitues do të shpallet subjekti kandidat i cili pas plotësimit të dokumentacionit grumbullon sasinë më të madhe të pikëve sipas vlerësimit të miratuar nga Komisioni Vlerësues.

19. Kur vlerësimi me pikë i subjekteve aplikuese del i barabartë, Komisioni Vlerësues përcakton renditjen me short, në prezencë të subjekteve pjesëmarrëse.

20. Të gjitha Vendimet e Komisionit Vlerësues publikohen në faqen zyrtare të Drejtorisë së Përgjithshme të Shërbimeve të Transportit Rrugor www.dpshttr.al. Çdo vendim i Komisionit për subjektet aplikante përsa i përket procedurës konkrete ku subjekti ka aplikuar do të dërgohet në Platformën e Albania, në rubrikën "Mesazhet e mia" dhe "Dokumentet e mia". Dërgimi i vendimit njoftohet dhe në emailin zyrtar të deklaruar nga subjektet.

21. Vendimi nr. 1, datë 12.01.2024, i Komisionit Vlerësues shfuqizohet.



FORMULAR VETËDEKLARIMI

Datë _____.____.2024

Unë, _____, me nr. personal _____, administrator i shoqërisë _____, me NIPT _____, deklaroj në përgjegjësinë time të plotë se mjetet me të cilat kam aplikuar për licencim në linjën e transportit të rregullt ndërqytetës _____, nuk janë të certifikuar për operim në llojet e tjera të shërbimeve të transportit të udhëtarëve për llogari të shoqërisë që unë përfaqësoj ose të shoqërive të tjera. Jam në dijeni që deklarimi i të dhënave të rreme në lidhje me këtë kriter shkakton skualifikimin nga procedura e licencimit dhe zbatimin e Udhëzimit nr. 5627, datë 18.11.2016 “Për përcaktimin e kritereve, rregullave dhe dokumentacionit për lëshimin e licencave dhe certifikatave për ushtrimin e veprimtarisë në transportin rrugor të udhëtarëve brenda vendit”.

Nëpërmjet këtij formulari vetëdeklarimi, përsa i përket njoftimeve në lidhje me procedurën e aplikimit, deklaroj dakordësinë dhe marrjen dijeni që njoftimet e Vendimeve të Komisionit do të dërgohen elektronikisht në llogarinë e biznesit në Platformën eAlbania si dhe në adresën elektronike në email _____.

Deklarimi i të dhënave të rreme shkakton përgjegjësi sipas legjislacionit në fuqi.

ADMINISTRATORI

(Emër, mbiemër, firmë)



**DREJTORIA E PËRGJITHSHME
E SHËRBIMEVE TË
TRANSPORTIT RRUGOR**

Adresa: Blv “Gjergj Fishta”, Pall. “Bjorn”, Tiranë;
Tel.: +355 68 801 5 833; **Fax.:** +355 (0)42238175 **e-mail:** dpshttr@dpshttr.gov.al; www.dpshttr.gov.al

**VETEDEKLARIM
I PËRFAQËSUESIT LIGJOR TË SUBJEKTIT**

Unë i nënshkruari _____ përfaqësues ligjor i subjektit
_____ me seli në _____

Deklaroj në përgjegjësinë time, në njohje të plotë të pasojave që sjell një deklaram i pavërtetë se:

- a) Nuk kam asnjë çështje gjyqësore të hapur dhe nuk jam në ndjekje penale nga organet e prokurorisë, *nuk jam shpallur fajtor për shkelje të legjislacionit të transportit rrugor* (ose në rast se ka – deklaroj: “Kam çështje gjyqësore të hapur në gjykatën e rrethit _____ (shoqëruar me motivin e çështjes) apo/dhe kam penalizim të licencës aktuale nr. _____ nga Institucioni (emri përkatës) _____ (shoqëruar me masën dhe motivin e penalizimit)”¹).
- b) ***Subjekti*** _____ i regjistruar në organet tatimore me NIPT _____, regjistruar në Regjistrin Kombëtar pranë QKB nr. _____, datë _____, me objekt veprimtarie aktiviteti për të cilin kërkoj të liçenohem; nuk është në proces falimentimi, nuk ka asnjë detyrim financiar ndaj të tretëve (Drejtorisë së Përgjithshme të Tatimeve, Organeve të Pushtetit Vendor).

Deklaroj që njoh dhe zbatoj Ligjin nr. 8308, datë 18.03.1998 “Për transportet rrugore”, të ndryshuar, VKM nr. 325, datë 19.3.2008, të ndryshuar dhe udhëzimin nr. 5627, datë 18.11.2016 “Për përcaktimin e kriterëve, rregullave dhe dokumentacionit për lëshimin e liçencave dhe çertifikatave për ushtrimin e veprimtarisë në transportin rrugor të udhëtarëve brenda vendit”.

DEKLARUESI

(emër, mbiemër, firmë)

Datë, më _____

¹ Kur nuk është e nevojshme liçet.



VETËDEKLARIMI I DREJTUESIT TË VEPRIMTARISË SË TRANSPORTIT

Deklaroj në përgjegjësinë time, në njohje të plotë të pasojave që sjell një deklaram i pavërtetë se:

- a) Nuk kam asnjë çështje gjyqësore të hapur dhe nuk jam në ndjekje penale nga organet e prokurorisë, *nuk jam shpallur fajtor për shkelje të legjislacionit të transportit rrugor* (ose në rast se ka – deklaroj: Kam çështje gjyqësore të hapur në gjykatën e rrethit _____ (shoqëruar me motivin e çështjes) apo/dhe kam penalizim të Çertifikatës aktuale _____ nga Institucioni (emri përkatës) _____ (shoqëruar me masën dhe motivin e penalizimit)¹).
- b) **Jam i pajisur** me Çertifikatën e Kompetencës Profesionale për transport _____.
- c) **Jam drejtues veprimtarie i subjektit** së transportit _____ me seli në _____ me objekt veprimtarie _____, për të cilin kërkon të liçencohet.
- d) **Mbaj përgjegjës për:** mirëmbajtjen e mjeteve, verifikimin e kontratave dhe dokumenteve të transportit rrugor, veprimet financiare bazë, caktimin e ngarkesave ose shërbimeve të drejtuesve dhe mjeteve, si dhe verifikimin e procedurave të sigurisë.
- e) **Deklaroj që jam i punësuar²** si drejtues veprimtarie në shoqëritë:
- _____
- _____

Njoh dhe zbatoj ligjin nr. 8308 date 18.03.1998 “Për transportet rrugore”, të ndryshuar, VKM nr. 325, date 19.3.2008, të ndryshuar dhe udhëzimin nr. 5627, datë 18.11.02016 “Për përcaktimin e kriterëve, rregullave dhe dokumentacionit për lëshimin e liçencave dhe çertifikatave për ushtrimin e veprimtarisë në transportin rrugor të udhëtarëve brenda vendit”.

- f) procedurat e lëshimit të liçencave/ autorizimeve dhe çertifikatave për ushtrimin e veprimtarisë në transportin rrugor.

Jam në dijeni që, më lejohe të lidh kontratë dhe të drejtoj veprimtarinë e transportit deri në tre ndërmarrje të ndryshme me një numër të përgjithshëm maksimal të mjeteve prej 36 mjetesh, ose nëse jam punonjës i një ndërmarrje, më lejohe të lidh kontrate edhe me një ndërmarrje ose filial tjetër me një numër të përgjithshëm maksimal të mjeteve të tre ndërmarrjeve prej 36 mjetesh.

DREJTUESI I VEPRIMTARISË

(emër, mbiemër, firmë)

Datë, më _____

¹ Kur nuk është e nevojshme liqet.

² Kjo pikë plotësohet vetëm për shoqëritë që drejtuesi i veprimtarisë është i punësuar me kontratë

